



ЛЕНИНЭНЬ КИЯВА

ВЛКСМ-нь Мордовской обкомонтэ ды Саранск ошонь комитетэнь газетаст

1941 ие
ФЕВРАЛЕНЬ
2-це чи
13 (1309) №

ЛИСИ: 11-це ие,
12 № ковс

ТЕЧИ УШОДОВИ КОМСОМОЛЬСКОЙ ЛЫЖНОЙ КРОССОСЬ

Большевистской организованность марто ютавтомс кроссонтэ

Течи ушодови лыжной комсомольской кроссось.

Мордовиянь комсомолось истяжо, кода весе ламомиллионной ленинско-сталинской комсомолось, Якстере армиянь XXIII-це годовщианть лемсэ лыжной комсомольской кроссонтэ анокстамонь шкастонтэ тейсэ аволь вишкине робота комсомолонь ды аволь союзной од ломатнень келей массатнень юткс лыжной спортонтэ внедрениянзо коряс.

Республикасонть январень 25-це чинть самс ульнестэ организовазь 3513 команда (пятёрка), конатнесэ малав 18 тыща комсомолонь. 2326 комсомолонь максызь соксось ды ялго якамонь коряс ГТО-нь комплекснень норматнень, 1304 комсомолонь ды комсомолка максызь соксось ды ялго якамонь коряс БГТО-нь комплекснень норматнень, малав 4 тыщат комсомолонь ды комсомолкат ютызь тренировочной минимумонть.

Ансяк ськамонзо Саранской районсонть теезь сядодо ламо команда. 170 комсомолонь ды комсомолка максызь соксось ды ялго якамонь коряс ГТО-нь ды БГТО-нь комплекснень норматнень. Краснослободской районсо лововить 115 команда, ялго ды соксось якамонь коряс ГТО-нь ды БГТО-нь норматнень максызь 251 ломань. 264 комсомолонь ютызь тренировочной минимумонть, кода аравтозь кроссонтэ положенисонть.

Республикасонть сядот командат аволь ансяк ютызь установленной тренировочной минимумонть соксось ды ялго якамонь переходнень коряс, но ютасть пек седе ламо сень коряс, зяро эряволь бу ютамс. Примеркс, Zubovo-Полянской средней школань 10-це классонь ученикентэ - комсомолонь Умнов ялганть командазо тренировочной минимум ютась колмосидт километрадо ламо.

Кроссонтэ анокстамось ды сонэзэ ютавтомась должны лез-

дамс комсомолонь ды одломатнень юткс весе военно-физкультурной роботанть вадрыгавтоматнень. Тень коряс пек вадры почин проявляет ВЛКСМ-нь Темниковской райкомось (секретаресь Акимов ялгась), кода организовась лыжникинень 12 команда. Неть лыжникинэ течи, Всесоюзной лыжной комсомольской кроссонтэ ушодовоманзо чествэ, сыргить Темниковасто Саранскоев. Сынть ютыть малав кавтосидт километра.

Мордовиянь комсомолонь аволь беряньстэ аноктасть лыжной кроссонтэ. Вадрыстэ аноктасть Ичалковской, Ковылкинской ды лия районть. Но улитэ истят районтькак, косо формально ютавтнить кроссонтэ анокстамонть. Примеркс, ВЛКСМ-нь Кочкуровской райкомось (райкомонь икелень секретаресь Тугаев ялгась) беряньстэ, аволь серьезнойстэ аноктасть кроссонтэ. Кочкуровской районсо пурныльть командат ансяк секс, што эрявсь те, неть командатнень эйстэ сех ламотне лововить ансяк конёв лангсо, кодамояк тренировка а ютавтнить.

Эряви кроссонтэ ютавтомс четко ды организованнойстэ, шумихавомо ды суетнявтомо. Должен улемс кроссонтэ ютавтомань точной график, конаньсэ ёвтазь зяро, косо выступает кодамо команда, комсомольской организация. Ды точно действовать те графикентэ коряс. Эряви добовасе сень, штобу кеме улевель дисциплинась стартонь шкастонтэ ды молементэ, точно улест ютазь дистанциянть, конат аравтозь соксось ды ялго ютамонь коряс командатненень.

Кроссось должен улемс ютавтомс организованно ды ансяк отлично. Те карми улемс минек комсомольской подаркак большевистской партиянь XVIII-це конференциянть ды РККА-нь XXIII-це годовщианть.

ВЛКСМ-нь ЦК-со

ВЛКСМ-нь ЦК-сь толковась Якстере армиянь XXIII-це годовщианть лемсэ комсомольской кроссонтэ анокстамонь вопрос. Январень 29-це чинть самс 760 тыща комсомолонь максызь ГТО-нь комплекснень норматнень. Комсомолонь норматнень макснить ды тренировочной занятия ютавтнить нейгак.

Комсомольской зярыя организациянть энялдомаст ловозь, ВЛКСМ-нь ЦК-сь разрешил примамс кроссонтэ эйсэ участия ФЗО-нь школтаньсэ, Ремесленной ды Железнодорожной училищасо сеть тонавтиянтенень, конат аволь комсомолот.

Сень кувалт, што ламонь таркасто ульнестэ запрос, ВЛКСМ-нь ЦК-сь разъяснил, што комсомольской аволь покш организациянтьсэ могут создаваться командат ветеде аламо ломаньстэяк.

ВЛКСМ-нь ЦК-сь примизе комсомольской зярыя организациянть (Белорусской, Украинской, Алтайской ды лия) предложеният—нодамс кроссонтэ эйсэ участиянть комсомолонь, конат эзизь макс соксось или ялго якамонь коряс ГТО-нь норматнень. Норматнень максомась сынест карми зачисляться кроссонтэ эйсэ участиянть результатнень коряс.



Саранск ошонь 12-це № школосо тонавтиянть тейтерень лыжной команда: Нина Зивьева, Шура Шилимова, Коннова, Нина Зотова, Роза Воронина.

Фотось Н. Ивановонь.

XVIII-це партконференциянть лемсэ социалистической соревнованиясь

Отличной тонавнемасо вастсынек партийной XVIII-це конференциянть

Кокак ансяк прыдовсь телень каникулатне, кокак ансяк таго ушодовсь тонавнемась, минь — Чамзинкань средней школань 6-це «А» классонь тонавтиянть — включились ВКП(б)-нь XVIII-це конференциянть чествэ социалистической соревнованиясь. Обязательстванок ульнестэ истят: тонавнемс ансяк парсте ды отличнойстэ, кепедемс дисциплинанть ды посещаемостень.

Ды неть обязательстване эзть кадово чаво валокс. Минь сынст тонавтаном тевсэ. Вана, примеркс, Зеленова Нюра ды Горячкина Нюра ютась четвертьстэнь получакиность колмонь-колмонь берянь отметкат. Ней жо сынст арасть берянь отметкаст. Родин Володя ды Батыйкин Павел кармасть тонавнемс ансяк отлично.

Минек примерэнек коряс кармасть соревноваться лия класснэяк.

Соревнованиянть ушодыцке ульнестэ комсомолонь ды пионернэ. Сынть жо сех парсте тонавтыть эсь обязательстваненьгак.

А. Симдянов.

Чамзинской р-н.

Тонавтыть эсь обязательстваст

Каганович лемсэ колхозонь колхозниктне покш изнявкс марто вастыть ВКП(б)-нь XVIII-це конференциянть. Сынть прыдызь велень хозяйствань весе инвентарень ремонтонтэ, сортировизь видметнень, 100 гектар лавгос ютавтсть ловонь кирдема. Зярыя аноктасть минеральной удобрения.

«Путь к социализму» колхозось прыдызе селякань, плугонь, изамонь ды сруень ремонтонтэ. Эсь обя-

зательстваст парсте тонавтыть Б. Березниковской МТС-нь трактористнэ ды ремонтной робочейтне. Тракторной бригадань бригадиртне В. Серов ды Ф. Умнов ялгань прыдызь тракторнэнь ремонтонтэ. Ней весе бороцисть сень кие, штобу партийной конференциянть панжомачинть самс целанек прыдомс тракторнэнь ремонтонтэ. («Сталинэнь киява», Б. Березниковской р-н).

Ремонтось прыдозь

Аловской вельсоветэнь Максим Горький лемсэ колхозось тонавтыть обязательстванень, конатнень сакешиньсэ ВКП(б)-нь XVIII-це конференциянть чествэ.

Велень хозяйствань машинатне ды сруесь весе ремонтноровазь.

Вечерлейской вельсоветэнь «12 Октябрь» колхозсонть истяжо прыдозь велень хозяйствань инвентарень ремонтось.

Ремонтсо роботамсто кузнецтне Калянов, Спиридонов ды Гудов ялгань эрва чистэ вельска тонавтиянть нормаст.

Колхозсонть сортировазь малав сисемидт центнер суро. Сортировамонь коряс роботыть кавто сменат. Вень сменась, вельсоветэнь депутатонтэ М. Краснова ялганть руководстванзо коряс 18 центнертнэнь таркас сортавакшны свал 22 центнер.

Производственной покш под'ем

Саранск ошонь «Восход» мастерскоень трикотажной цехень стахановкатне покш энтузизма марто тонавтыть эсь обязательстванень, конатнень сынть саизь XVIII-це партконференциянть лемсэ социалистической соревнованиясонть.

Гушина Шура сайнесь обязательстваста кодамс планонь коряс 30 пара чулка, коды жо—31. Сонензэ теяк маряви аламокс. Меельсэ

читнестэ Шура сайсь социалистической обязательства—кодамс 35 пара чулка.

Трудонь аволь берянь показателть нейтиль Тая Горюнова ды А. А. Вокурова ялгань. Сынть эрва чинь нормаст тонавтыть 130—135 процента.

И. Кирюхина,

«Восход» мастерскоень роботница.

МИНЬ ЭСЬ ВАЛАНЯ СОКСТНЭСЭ КРОССОНТЕНЬ МОЛДЯНО ВЕСЕ!

Лыжной комсомольской кроссоь Саранскойсэ ушодови февралень 9-це чистэ

ВЛКСМ-нь Саранск ошонь комитетэнь решениязо коряс Якстере Армиянь 23-це годовщианть лемсэ лыжной комсомольской кроссоь Саранск ошо ушодови февралень 9-це чистэнь саезь.

Лыжной соревнованиень ды ялго ютамонь коряс кемекстазь судейской коллегият. Юношань ды од тейтерень лыжной командатень соревнованиязь 3 километрань дистанцияс карми улема ипподромсо, ператень ды аватень соревнованиязь 10 ды 5 километрань дистанцияс карми улема лесопарконт.

Ялго ютамонь коряс командатень соревнованиязь весе

дистанциятнес карми молемо шоссенть кувалт 1-це номер школастонть саезь ды Николаевка веленть видьс.

Комсомольской организациятень, конат соревнованиатнесэ сайсызь васень тарканть, карми улема максоь переходящей Якстере знамят ды грамотат. Башка комсомолетнэнь карми улема максоь питней подаркат.

Февралень 1-це чистэнь ВЛКСМ-нь горкомось ютавтень физкультурно-комсомольской вечер, кона посвященноель лыжной кроссонть. Течи улить организоваз ошонь сех вадра лыжиктень соревнованиязь.

Е. Фролов.

Мезе марто сынек кроссонть

Чамзинкань средней школынь тонавтиятне парсте анокстазь Якстере Армиянь XXIII-це годовщианть лемсэ Всесоюзной лыжной комсомольской кроссонть.

Ульнесть организоваз лыжной ды ялго ютамонь коряс командат. Ютавтозель тренировочной походт.

Кроссонть анокстамонь шкастонть ламо тонавтият максызь телень норматень ГТО-нь ды БГТО-нь значоктень лангс.

Январень 29-це чистэ васень сменань занятиятень приовомадо мейле 10-це «А» классонь тонавтиятнь-комсомолетнэнь Леонид Лобанов ялганть инициативанзо коряс ульнесть ГТО-нь ды БГТО-нь значокт-

нень лангс норматень массовой максомы.

Те чистэнь кавтосядодо ламо тонавтият максызь норматень. Кавтосядт тонавтият тейнесть лыжной пробег 3 ды 5 километрань дистанцияс. Те пробегсэнь сех паро результатт, организованность ды дисциплина невсть Кузнецов, Ротанов, Балтуков, Чебаков, Шагалкин ды лия тонавтиятне.

Январень 30-це чистэ таго 100 тонавтият ды пионер максызь ГТО-нь ды БГТО-нь значоктень лангс телень норматень.

Минь кемдяно, што кроссонть ютавтомсто минь корматано улема аволь меельце таркасо.

И. Симдянов.

Чамзинской р-н.

Анокчнтъ ваннома

Атяшевской средней школынь тонавтиятне парсте анокстазь РККА-нь XXIII-це годовщианть лемсэ лыжной кроссонть. Аволь умок тосо ютавтозь кроссонть анокчнтъ ваннома. Ульнесть церадь 12 команда ды тейтерень 9 командат. 40 ломань максызь норматень ГТО-нь I-це ступенень значок лангс ды 18 ломань—БГТО-нь значок лангс.

Средне-пересеченной таркава

10 километрань дистанцияс 40 лыжник финишентень пачкодсть аравтозь шкадонть икеле. М. Киняев комсомолетэсь те расстоянианть ютызе 50 минутас.

Тейтерне ютксо 2 километрань таркас соревнованиатнесэ васень тарканть саизе 10-це классонь тонавтиятс М. Дудакова ялгас. Колмо километратень ютызе 16 минутас.

Д. Прохоров.

Атяшевской р-н.

Кода Чувашиянь комсомолетнэ анокстазь кроссонть

1. Весе сокс лангс!

Зярд печатазель ВЛКСМ-нь ЦК-со оргкомитетнь решениязо лыжной кроссонть, — корты ВЛКСМ-нь Чувашской обкомонь секретаресь Михайлов ялгас, — Чувашиянь весе комсомолетнэ паро мелсэ кундасть соксонь анокстамо ды тренировкань ветямо. Недлянь ютазь теде мейле обкомс кармасть само заявкат лыжной соревнованиатнесэ участиянь примамодо.

Обкомонтень покш меляв-сокс ульнесть од ломатнень соксо снабжениязь. Магазины сокстнаде ульнесть а ламо. Но те вопроссыкак решаель: комсомолетнэ, пионернэ ды школьникне сынсь кундасть соксонь анокстамо.

Алкукскак, Чувашской АССР-нь столицанть, Чебоксары ошонтень, совамсто ике-левгак сельмезэть каявить кудотнень, магазинтнень, забортнень лангс клейсезь лозунгт ды плакатт, конат тердять од ломатнень лыжной кроссонть эйсэ участияс. Печатень Кудонт кенкшензэ велькссэ покш буквасо сёрмадозь: «Комсомолет, лиседе кроссо, соревнованиязь!» Те лозунгонт ало Маяковский стих:

«Мускул свой,
дыханье
и тело
Тренируй с пользой
для военного дела».

Афишань лаз ланга, неавикс таркава педаятнесть плакатнэ мобилизовать комсомолетнэнь улемс подтянутойкс, опрятнойкс, тердять тонавтенеме якамс стройсэ, улемс выносливойкс боевой обстановкосо.

2. Тренировкась

Апак учне, пандо ёндо сельме икелев появась пирамидань кондамо фигура. Те фигурась шаштыль яла минек малав.

Зярд пачкодсь седе малас, то минек дивавтымизь кавто цё-

рынеть, конат рядсек молильть соксо ды сынсь кедьсэст кирдсть соксонь палка лангс понгавтозь ловцо марто бидон. Сынсь истя моельть Чебоксары ошонь колхозной рынок лавочонь миеме.

Истя жо эрва чистэ можна неемс школьникт, конат эскелиль соксо школав, или тейнить прогулкат тонавтенмадо мейле. Лыжной спортсо занимаються взрослой од ломатнеяк.

Вана Чебоксары ошонтень ки ланга соксо арды Куге-синь средней школынь директорсь. Мельганзо, пель километрань тарка, капшить сонзэ учительтне. Сынсь 30 вальгейбень дистанцияс ютавтыть тренировочной соревнованиязь.

Ды Чувашиянь кодамо районга или юта, яла вастат од ломать соксо тренированиязь. Комсомольской кроссонть парсте прят анокстыть Чувашиянь од тейтернеяк. Ды мезе вадра, — сынсь сынсь тейть сокстнэнь.

3. Вень вылазкат

Чебоксарской взрослоень средней школынь кардазонть мариавсть ловонь каштордомат ды шкань-шкань коскстнемат. Чопода ве. Секс а редяви, мезе тосо моли. Друк каятоць команда:

— Равняйсь! Смирно!
Каштордомась лепамсь. Шкань ютазь, секе жо виев вайгелесь гайнезевсь:

— Сокстнэнь лавтов лангс!
— Ды меельпек-меельпек кармасть лисеме кардазонтень лыжиктень.

— Те истя сыргасть вень вылазкас, — толковась ВЛКСМ-нь обкомонь представителесь Башкирова ялгас. — Течи комсомолонь горкомось яволять лыжной поход 10 километрань дистанцияс, кой-кить молиль ялго 5 километрань тарка.

Омбоце чистэнь ВЛКСМ-нь Чувашской обкомс горкомонь секретаресь Эррэ ялгас пач-

тась: «Вень вылазконтень при-масть участия ошонь весе комсомольской организациятне. Лисенесть походс тыщадо ламо комсомолетнэ. Походонть ветясь белофитнэнь каршо бойтнесэ участникесь Васильев ялгас».

Истят лыжной вылазкат ютавтневить Чувашской АССР-нь весе районтнэва.

4. Покш переход

ВЛКСМ-нь Чувашской обкомонь приёмноень стенас поводезь Чувашской АССР-нь карта. Сон ванькестэ ды содавиксэте тешкетнесть раужо киксэ, якстере ды пиже кругкесэ. Те лыжной переходонь схема — маршрут. Сех васоло точкатне: Алатырь, Шемурша, Кувакино, Малые Яльчики. Примерке, Алатырьтэнь Чебоксары ошос таркась 180 километра. Те тарканть ютамонь перть лыжиктне тейть 6 ночлгть ды 7 привалт. Эрва остановочной пунктонт организоваз врачень ды стартеронь штаб.

Интересной те переходось сенсэ, што сон а моли обычной тренировочной поход ёнов. Лыжиктне кочказь велень хозяйствань од передовиктень-колхозниктнень эйстэ, ды сынесть соксо эрявкшны самс слетс. Велень хозяйствань од передовиктень слетонт мейле участниктне туйть кудов таго соксо.

Лыжной спортось совась Чувашиянь комсомолетнэнь бытс, прок необходимой тев. Сокстнэ сынст эрямосонть кармасть улема эрвачинь спутникес.

Зяро эзь савкшно тенеж вастнемс Чувашиясо комсомолет, заронь марто эзинеке кортие, эрвась эйсэнеке кемевть, што комсомолетнэ занимаються лыжной спортсо. Сынсь бажить улема шумбракс, жизнерадостнойкс, целеустремленнойкс ды выносливойкс.

Благородной тев, лыжной спортось!

П. Кономанин.



СНИМКАСОНТЬ (керш ёндо вить ёнов): 1) Куриловской средней школы комсомольской организациянь секретаресь Фадеев ялгас (вить ёно) кортни кроссонь участниктнень марто. 2) 12-це № школынь ученикесь А. Петушкин ялгас; сон максызе соксо лямонь коряс норматень ГТО-нь значок лангс. Карми участвовать комсомольской лыжной кроссонть эйсэ. 3) Саранск ошонь лыжиктень. Фотось П. Ивановонь.



Вишка лыжники.

Фото-этюдоу П. Иванову.

Мордовской Государственной Издательствантень топодсть 10 иеть

Мордовской Государственной Издательствантень

ВКП(б)-нь Областной Комитетсь ды МАССР-нь Народной Комиссартнень Советсь поздравляють Мордовской Государственной Издательстванть сонензэ кемень иеть топодемань чистэнтъ ды кемить, што издательствань коллективесь икелепелевгак!

карми нолдамо идейно выдержанной ды высоко художественной книгат, конат кармить воспитывать трудиянь массатнень коммунизмань духсо.

ВКП(б)-нь Обкомось.
МАССР-нь Совнаркомось.
1941 ие февраль 1 чи.

Мордгизэнтень

«Ленинэнь киява» газетань редакциясь кучи комсомольской пии поздравт Мордовской Государственной Издательствантень—сонензэ кемень иеть топодема чистэнтъ.

Кемень иень перть МордГИЗэсь нолдась ламо сядот книгат, конатнень коряс тонавтнестъ ды тонавтити Мордовиянь комсомолетнэ, од ломатне, пионернэ ды эйкакштне.

МордГИЗэсь серьезной робота тейсь мокшонь ды эрзянь кельсэ Марксонь—Энгельсэнь—Ленинэнь—Сталинэнь произведенийст нолдамонть коряс.

«Ленинэнь киява» газетань редакциясь кеми, што МордГИЗэсь икелепелев еще седеяк ламо ды паро книгат нолды Мордовиянь трудиятнень, комсомолетнэнь ды эйкакштнень, конатнень коряс сын кармить воспитывать коммунизмань духсо.

«Ленинэнь киява» газетань редакциясь.

Эйкакштнень приветствияст ды пожеланияст Мордгизэнтень

(Ялгань шарж)

Мордгиз ялгай, поздравт теть!
Ней тоньгак уш кемень иеть,
Ансяк мекс аздан а нолдат
Эйкакшонь ёвскетъ, морынетъ?

Нать стувтымизь, нать эзть
пачкодть
Минек вайгельтне пилезеть?
Коть кедейкине ийстеть
Лецямизда эсь мелезеть.

Нолдакая тенек книгат
Мазыйть, вадрят седе ламо.
Минь тень кисэ карматано
Седейшкава эйсэть шнамо.

(Мордовиянь эйкакштнень
энялдомаст коряс те приветствияст
стихсэ сёрмадызе
Эм. Пятай).

Мордгизэнь коллективентень

«Эрзянь коммуна» редакциянь коллективесь ёвты поздравт Мордгизэнь работниктнень Мордгизэнтень кемень иень юбилеентъ марто.

Минь кемдяно, што Мордгизэнь коллективесь мобилизовасынзе виензэ еще седеяк вад-

ря изнявктнэненъ, эсь роботасонть уликс асатыктнэнь педес маштомантень. Нолдадо, мордгизовец ялгат, вадря качествань книгат!


«Эрзянь коммуна» газетань коллективесь.

Мордгизэнтень—«Пионерэнь вайгель» журналонтъ пельде

Мордовской Государственной Издательствантень 10 иень топодема чистэнтъ «Пионерэнь вайгель» журналонтъ редакциясь кучи пии поздравт. 10 иень перть МордГИЗэсь тейсь а берячь успехть эйкакшонь литературань нолдамосо. Арситяно,

теньк нолдамс эйкакштнень туртов седе ламо интересной книгат, конат тонавтовольть бу сынет коммунизмань кис боропано.

«Пионерэнь вайгель» журналонтъ редакциясь.



Печатень кудось. Тесэ колмоце этажсонть Мордовской Государственной Издательствась.

Фотось П. Иванову.

Ю. Васильева.

Л. Каменцев.

Чамзинской р-н.

Призывниктнень соревнования

Покш Маризь велень призывниктне ушодеть РККА-нь XXIII-це годовщианть лемсэ социалистической соревнования.

Сын сайеть эсь лангзост обязательства: 1) Якстере Армиянь XXIII-це годовщиань члнтъ самс максомо ГГО-нь значок ланге норматнень 2) тонавнемс военной теветъ, штобу Якстере Армиянь рядтнэс мо-
леме парсте анокстаксэ; 3) призывенть самс паро показател марто роботамс колхозной производствос; 4) примамс активной участия общественной работасо.

Покш Маризь велень призывниктне неть пунктнэнь коряс социалистической соревнованияс тердизь Чамзинкань велень советэнь призывниктнень.

Покш Маризь велень призывниктне неть пунктнэнь коряс социалистической соревнованияс тердизь Чамзинкань велень советэнь призывниктнень.

Л. Каменцев.

Чамзинской р-н.

КЕМЕНЬ ИЕТЬ

Мордовиянь общественностесь теги тешксты культурной пек покш важностень дата—Мордовской Государственной Издательствантень кемень иень топодеманть.

Минек коммунистической партиянь ды Советской правительствант национальной политика детикакс улезь, МордГИЗэсь кемень иень перть тейсь покш робота сень коряс, штобу мордовской народонтень максомс родной кельсэ вадря литература—оригинальнойгак, переводнойгак. Пек паро мель, пек радостна содамс, што мордовской народонтъ туртов, конань ансяк кавто десятилетия тедэ икеле еще арасель мик эсь письменностезь, революциясо возрожденной те народонтъ туртов кармась улемс достояниякс марксизмань-ленинзмань классиктнень трудост родной кельсэ. Кемень иень перть МордГИЗэсь нолдась зя-

рья оригинальной книгат—стихотвореният, ёвнемат, повестть, пьесат. Мокшотне ды эрзятне ней эсь кельсэст ловныть рузонь литературань классиктнень произведенияст.

МордГИЗэнтъ туртов секте покш ды васенце задачкас аштьсэ ды ашти се, штобу мордовской народонтень максомс марксистско-ленинской литература. Те задачанть издательствась тонавты вадряето. Примеркс, 1939—1940 иетнестэ эрзянь ды мокшонь кельсэ лисеть марксизмань-ленинизммань классиктнень трудост 26 названий—89.000 тиражсо, партмассовой литературань 67 названий—171.720 тиражсо. Ансяк меельс вете иетнень перть издательствась Мордовиянь трудиятнень весемезэ нолдась (весе серийтнень коряс) 472 названий книгат 3 миллионт 936 тыщань тиражсо. Эйстэст: марксизмань-лени-

низммань классиктнень трудост 27 названий, партмассовой литературань 114 названий, художественной литературань 37 названий, исторической ды учебной литературань 18 названий, сельскохозяйственной литературань 20 названий ды лият.

Нолдазь книгатнень ютксо улить человечествань генийтнень истят трудост—Марксонь ды Энгельсэнь—«Коммунистической манифест», В. И. Ленинэнь «Васолдо сёрмат», «Дневниктэ страничка», «1905 иень революциядо доклад», И. В. Сталинэнь «Ленинизммань вопрос» (лись мокшонь кельсэ, эрзянь кельсэ лиси те иень майстэ), куток лиси сонзэ гениальнейшей трудозо «Марксизмась ды национально-колониальной вопроссь»; 15 тыща тиражсо нолдазь «ВКП(б)-нь историянь краткой курсось», рузонь кельсэ нолдазь Консультацият ВКП(б)-нь историянь тонавнеманть коряс, нолдазь ламо

книгат, конатнень авторост Мордовиянь велень хозяйствань стахановец.

Те пестэ МордГИЗэсь аноксты 1942 иестэ нолдамонь туртов В. И. Ленинэнь истят величайшей трудонзо, кода «Развитие капитализма в России», «Что делать?», «Шаг вперед, два шага назад», «Что такое «друзья» народа и как они воюют против социал-демократов».

Издательстванть плансо покш тарка зани художественной литературась—оригинальное ды переводное. Мордовской художественной литературась, седе майле, кода сон ульсь ваньскавтозь буржуазно-националистической выродоктнень эйстэ, пек кармась касомо. Социалистической реализмань кинть лангсо кеместэ аштезь, мордовской писательтне ды поэнтэ кенереть уш максомо вадря книгат. Те иестэ планонь коряс МордГИЗэнтень эрзяви нолдамс 22 оригинальной названий.

МордГИЗэсь эсь юбилеентень

сась покш достижения марто. Но сонзэ роботасонзо еще улить серьезной асатыкт. Сон еще а кенерькшни удовлетворять ловныцанть потребностензэ кода политической, истяжо художественной литературасонть, ды васняк—нолдавикс книгатнень качестваст коряс.

Мордовиянь трудиятне, эсь издательстваст юбилеентэ тешкстазь, кемить, што сон теи еще седеяк покш достиженият Марксонь—Энгельсэнь—Ленинэнь—Сталинэнь идеятнень пропагандань теветнэ, содержаниянь коряс социалистической, формань коряс национальной мордовской культуранть кастома теветнэ. Мордовиянь трудиятне кемить, што Мордгизэнь книгатне минек книжной рынкасонть кармить занямо еще седеяк почетной тарка.

С. Вечканов.



Перерывста Асманкин Троша вастызе Сурков Петя ялганзо. — Эй, тон, мекс а веселат, зярдояк а налксекшнат мартонок? — куродызе сонзэ ды кедьте усклизе «Каткасо-чеерсь» налксемс.

Налксемста, зярко Петя прась «чеерь» мельга чиємста, сонзэ зепста ёртовсь а покшке тодовне ды прась витьста Трошань пильгензэ вакес. Троша немзе тень ды кепедизе сонзэ иста, што кияк эзэ фатя. Путизе тодовнень зепезэнзэ ды омбоце перерывста кевкстни: — Ну, Петя, ёвтат, мезеть ёмась?

Петянь чамазо сеске як-стерьгадсь прок кумаць. Сонзэ прась баяга вайгель ладсо каятоць тодовнеде арсемась: «Кода бу нельгемс кедьстэнзэ, сон, секень вант, ялга ютксо визделгавтсамам...» Троша ваны-той оязо визделгадсь астяко, сайсь мель содамс, мезе ули те тодовнесэнь. Вана сон таргизе сонзэ ды венстизе тензэ: — На, саяк тодовнеть...

Петя мизолгадсь ды бойкасто баксордыксэлизе кедьстэнзэ.

— Эге, — Троша пейдэзэ грозизе сурсо ды тодовнень таго путизе зепе.

— Ну, саяк, саяк, снопаладат паряк... Ведь мезеяк потсонзо арась, — манчесь Трошань эйсэ Петя ды каявсь тодовнень нельгеме. Троша тусь чиезэ, Петя кармась сасамонзо. Истя, вейке омбоцень сасазь, сын кеменькасть чийсь школанть перька. Трошань оймезэ турва пес сакшнось, но яла теке сон эзэ сасаво. А уш пеедсь, а уш пеедсь, кулсесь пеедемадонть! Ялгагст куш ванстькак лангост, но эзть чарькоде товентень. Петя ваны — нельгезь а сави тодовнесь, покш перерывста кармась энялдомо: — Ну, эрь эно керик пеедсь, вейсэ вансынек... Ансяк вал кургетот илязо лисе.

Троша согласась. Таргизе тодовнень ды кармась керямо ставкеса. Те шкастонть Петя мезе-вийсэ ноцковтызе кедьстэнзэ (салькесэлизе), ды тодовнень потето прась саразонь пильгешка крест. Висксэнь эйста Петянь чамазо артовсь якстереса, селмстэнзэ сиянь покольнекс кеверьсь сельведть. Седейк пек кармась энялдомо Трошанень: — Уш, ялгнем, оинем, киненьгак иля ёвтне... А мазы чамас илямак совавт. А саксэлиа, — авам силой стакшнызе тень панар сивес... Кинетсь киргам ды керия тосто... — Ды кантлят зепсэ эйсэнзэ? — Троша чаравтсь прасонзо. — А еще пионерат!

— Да, а кода, ялгнем, а кантлемс, авам мерсь, што, бути ёмавтса, ярсамояк мартонозэ илязан ойсе. Уш чатьмонть, Троша, лучи кискалевксам теть макса...

— Да, а кода, ялгнем, а кантлемс, авам мерсь, што, бути ёмавтса, ярсамояк мартонозэ илязан ойсе. Уш чатьмонть, Троша, лучи кискалевксам теть макса...

— Да, а кода, ялгнем, а кантлемс, авам мерсь, што, бути ёмавтса, ярсамояк мартонозэ илязан ойсе. Уш чатьмонть, Троша, лучи кискалевксам теть макса...

— Да, а кода, ялгнем, а кантлемс, авам мерсь, што, бути ёмавтса, ярсамояк мартонозэ илязан ойсе. Уш чатьмонть, Троша, лучи кискалевксам теть макса...

эряви. Паро, кабу ёвтневлик, мекс тенк сеетсьтэ якси Васа монашкась...

— Мейле а ёвтят?

— Мейле вансынек...

Озасть скамика ланге ды кармась Петя седеензэ чамдомо: — Васа баба соды, што минь эятано сюпавсто. Суро колхозсто получинек ламо, скотинанок — кардаз ды кардо. Сы аванень ды тандавтни эйсэнзэ: «Эх, дугай, колхозонь робота-нтъ кис ойметь путат, а вана пазонть кис синдэзэ трёшник а максат. Хватят, зярко пазось ютаванзат толонь лейга, да ведь а сусксак», — не-ти кенерепакарензэ ланге. Максы аванень пазавинеть, кресткетъ, мани кедьстэнзэ почт или ярмакт, ловновшны мень-бути «Евангелия». Лиясто сови теньк ды мери тень: «Петя, варштак пазаванть ланге... Ванок, кода нишкесь наказы а чекиятнень. Иля кунсоло-тынк учителень». Течи жо лисеть од тамашат. Авам веть кардайста марась а паро вайгельсэ рангамс. Васа баба...

Чокшне оятне ульнесь докладсо. Озасть рядсек. Доклад тейсь комсомольской организации секретарсь Архип Абрамов. Сон интереснойста ёвтнесь, кода появась гроштовась ды кодамо сонзэ зыянозо. — Чекиятнеде яла а ламолгадть, — кортась Абрамов, — но минек улить еще истят эйкакшт, кода Сурков Петя, конат понгонить вредной влияния алов ды чекить... Петянь ланга тусть чова сийть. Сон бокас токизе Трошань ды пшкадсь тензэ пилес: — Честной пионерскоеть ёмавтык... — Вансынек... Кодак ансяк прядовсь докладсо, сын кавонест чийсь Абрамовнень. — Троша теть мезеяк эзэ ёвтне мондены? — виздэзэ сонзэ кевкстизе Петя. — Мезеяк... Мон монсь весе содап, ки мейсэ эрь, — мерсь Абрамов. — Ванат вана, ато тон мерят... — капшась валонзо ёвтамс Троша. — Ну, адядо мартон кудов, минек кис вейке ведь, — тердинзе Абрамов. Састыне сыргасть. Шкась уш ульнесь позда. Секретарсь молемаста шнызе Петянь сенъ кис, што сакшнось докладонь кунсоломо. Петя ёвтнесь, кода пек мелезэнзэ тусь докладось, ды алтась еще сакшномс. Ансяк пачкодсь Петя-мезень ике-лев, кардазсто марась виев каштордома. Абрамов састо лоткась орта вакес ды мерсь тенст аштемс сьтэстэ. Каштордомась яла а лотки. «Те, паряк, юртава», — арсезевсь Петя ды мик соракадсь. Секретарсь оймавтызе сонзэ. Абрамов кундась ортань кенкшес — сонсь, атак калдордо, панжовсь. Сон молись се тарканть, косто марявилъ каштордомась. Друк кардо икельде кедезэнзэ понгсь кувака чевте черть. — Бай, — пиже-о-о вайгельсэ пижакадсь каштордыпась. Абрамов кундызе сонзэ ды бойкасто удалов велявтынзе каштордыпаны кедензэ ды кеместэ лепштинзе котмерезэнзэ. — Ёвтат, кие тон? — кевкстизе сонзэ. — Мон юртава, — прок боцкасо каятоць бабань казямс вайгель, — совиксэлинь кардо-зон-юртозон, но кеместэ пекстазэ... Ва, нолдамак, чумом ведь арась... ато пордян. — Ужо минь васня тол валдсо вантдадызэ, кодамо тон «юртавась»... Абрамов ускозь усклизе сонзэ кудос. Петя сыростизе аванзо, Троша пуvasь тол. Икелест ульнесь Васа баба. Кувака черензэ нолдазэ алов, чамазо весе содсо ваднезэ. Лангсонзо нулав сумать. Сонсь, прань комавтозэ, ваны кияксос. — Вана, авай, «юртавась», кода совиксэлинь минек кардс несасиянь тееме, — мерсь Петя. П. Любаев.



корты тензэ: «Те а парс... Истя авардсь юртава... Кодамояк несчасия тенк теєви. Ават-цёрат седепек ознодо пазонть, паряк жалатадызэ...» Авам седейк пек панаскадсь монь эйс... Ёвтневель паряк седе ламо, но каятоць звонок ды сын чиезэ тусть урок. Уроконь прядовомодо мейле, Петя криндяв-тнез чийсь Трошанень ды кевкстни эйсэнзэ: — Ней уш, паряк, а ёв-нят? — Мезе мерян — кармат те-еме, сестэ а ёвтян. — Тон секень вант мерят: азэ лисьмас прят каяк, ды мо-лемс нать... — Арась, истя, а мерян. Монь мелем, штобу тон яксе-влишь мартон кино, спектак-ляв, а то лоткить ведь яксема-до. Течи адя докладе. — Авам а нолдасамам... — Тенк истя, штобу нол-давлитсь... Петя согласась, ансяк вешсь пельдензэ пионерской честной вал, што крестонть киненьгак а ёвты. Троша макссь.

ГРАНИЦАНЬ ТОМБАЛЕ



Воздушной заграждения балон ды «Люис» пулемётось конвоируемой английской кораблятнесэ.

Фотось ТАСС-нь.

Англо-германской войнась

Январень 30-це чинь каршо вестанть англо-германской воз-душной войнасонть затишсь ульнесь колазэ. Германской бомбардировщикень покш соединениятне ёртсь фугас-ной ды кирвастия бомбат Лондонсо военной значениянь объектнень ланге. Январень 30-це чистэ германской авиа-циясь таго бомбардировизе Лондоноть ды истя жо юго-

восточной Англиясо аэродром-тень, зенитной артиллериянь позициятнень, промышленной сооружениятнень ды чугун-кань кинь линиятнень. Английской бомбардиров-щиктне январень 30-це чинь каршо вестанть тейсь налетт Северо-Западной Германиянь зярыя районтнень ланге. Бом-бардировазель Вильгельмша-фенась. (ТАСС).

Дернант саемань подробносте

Рейтер агентствась пачти, што Дернант (Средиземной мо-рянь ливийской побережья-сонть кемекстазэ ом) англи-чантэ саизь аволь покш опе-рациятнеде мейле, конат мольтэ 2—3 чить. Арсить, што Дер-насо итальянской гарнизонсь ульнесь 10 тыща ломаньста.

Агентствась невтни, што хоть Дернась ульнесь кемек-стазэ Бардиянт ды Тобрукоть коряс седе беряньста, яла те-ке итальянецтне тесэ тейнесь

сатышкасто виев сопротивле-ния. Итальянской гарнизонсь седе покш нельксэнтень, эрь-ви арсемс, удалась менемс ок-ружениястонть. Учять, што ливийской фронтсонть англи-чантнень седе тов икелев мо-лемаст карми улеме седе састо, секс што Дернант ды Бенга-зинть ютксо ули ламо опор-ной пункт, конатнень италья-нецтне смогут использовамс сопротивлениянь теемасть тур-тов. (ТАСС).

Таинть ды Индо-Китаенть ютксо перемириядонть соглашениянь условиятне

Юнайтед Пресс агентствась пачти, што Французской Ин-до-Китаенть ды Таинть ютксо перемириядонть подписанной соглашениясь предусматривает гранипанть лангсо военной действиятнень лоткавтома ды кавонест ёнксонь позициятнень

ютксо 12-мильной зонань арав-тома Токиосо мирной пере-говортинь прядовомазост. Соглашениянь условиятнень топавтомась карми молеме японской представителнень наблюденияст коряс. (ТАСС).

ЛОВНОМС А МЕЗЕ

Пурнавить Тарасова велень од лomatне клубс, ойсить ко-зоньгак ды китькак кармить ёвтнекшнеме ёвкт ды ёвтне-мат. Аволь ульта сын, сестэ клубсонть а месь те-немскак улелель.

Клубстонть а неят а шаш-кат, а шахмат. Ловномс а мезе — газетат, журналт арась. Клубонь заведующеесь Малей-кин ялгась косо эрявсь — кор-тнесь, кортнесь колхозонь пред-седателень мартояк, штобу нолдавольть средстват газета ды журнал ланге. Со-нензэ мерсть: «Тень туртов ярмакт арась».

С. Кузнецов.

Атяшевской район.

Недлян-недлян а кантли серматнень

А. Платонов ялганть ланге эрьва чистэ эрсить певтеем п-няцамот. Сон роботы Пакся Тавла велесэ сёрмань ды газе-тань кантлицякс.

Зярдояк корреспонденция-тень сон а пачтнесынзе под-писчиктнень эсь шкастонзо. Меельсь шкастонть А. Начаркин ялганть эзэ кандокшно недлязонзо газетат колмо чинь кис, Канискин ял-ганть — ниле чинь кис.

Б. Платонов.
Кочкуровской р-н.

Ответственной редакторсь
А. ЩЕГЛОВ.